

Opuscula

Epistola

ATLAS

(58)

Fractum Orbem Polonum
SUSTENTANS,
D. MICHAEL
GIEDROYC,

Ordinis S. MARIE Demetri, de Vrbe,
Fratrum de Pœnitentia BB. Martyrum, sub
Regula D. AVGVSTINI militantium,

CANONICVS.

Admirandâ vitæ Sanctitate & miraculorum gloriâ

CLARVS.

CRACOVIAE ad Sacras D. MARCI EVANGELISTAE Aedes,

Recurrente Solenni ejus die,
In Frequentissima Illustrium & Eru-
ditorum Hospitum Corona,

NICOLAO FRANCISCO de BIBERZTYN BLONSKI,
In Alma Universitate Cracoviensi Cursus Philosophici Auditore.

Devotâ Nomini & Honori Sacro,
de Rostris Panegyri,

DEMONSTRATUS.

ANNO, quo ATLAS Cælestis ut lapsum Genus humanū
erigeret, de Virgineo Utero in Orbē prodijt,
M. D. CC. XIII. Die verò 4tâ Maij.

CRACOVIAE, TYPIS UNIVERSITATIS.

In Gentilitium Insigne
ILLVSTRISSIMÆ DOMVS
UJEYSCIORUM.



Dicite quæ fuerant, vel quæ sunt flumina mundi?
Flumine Natio, nobiliora TUO.
Amnibus auriferis, ditantur stagna Lydorum;
Gaudent Eridanô, sidera clara Poli.
At plus Sarmatici, lætantur climata Regni;
Sanguine perfuso, Stemmatis amne Tui.

ILLUSTRI ac MAGNIFICO DOMINO,
D. CHRISTOPHORO
 DE RVPNIOW
UJEYSKI,
 D. TUTORI & BENEFACTORI
 Amplissimo.

HERODEM DIVINUM, ATLANEM Sarmati-
 cum D. MICHAËLEM GIEDROTCH, quibus concedere
 deberem Penatibus, cum diu in animo meo recogitarem; tandem
 stativa eidem in Tua Nobilissima & Heroicis operibus toti Lechico-
 Septentrioni Clarissima Domo, obsequenti pennâ meâ inscribo.
 ILLUSTRIS ac MAGNIFICË DOMINE. Fracti Poloni Orbis
 bajulus ATLAS, non potuit melius in alias venire manus, quâ in
 manus Christophori, idest CHRISTUM semper ferentis. Meruisti
 hoc debitum gratitudinis à me pensum, qui me in tutelam, dicer-
 re debueram, in Paternum Tuâ gratia & protectionis receptum sinum, amplissimis be-
 neficiorum Tuorum accumulare muneribus non desinis. Ex GENTILITIO TVO SZRE-
 NIAVA, tanquam ex septem ossijs latè patentis Nili, indeficienti alveo copiosi grati-
 arum ta' rentes in me immeritum Tuum Clientem derivantur. Commodum est ROSÆ
 GIEDROTCIANÆ, quod secus Tuum Eridanum, à me plantetur, Tuis nempe GEN-
 TILITIIS confersa undis hoc florigerò Majo pulchrius revirescet. Assimilem Nobilissi-
 mam FAMILIAM TVAM, DYCALI PRINCIPIS GIEDROTCH DOMVI dicere ju-
 stum est, quæ sicut in tota virtutum magnarum congerie GIEDROTCH, ita in innata
 illi mentis modestia hereditat. Humilis, Magnus ATLAS PRINCEPS GIEDROT-
 CIUS, etiam ultro sibi à Lucina oblatum DYCALE DIADEMA aspernatur; Præclara
 DOMVI TVÆ maximas Honorum tam in Ecclesiastica Hierarchia, quàm in Repu-
 blica promeritorij fâsces infra se ponere, quasi hereditarium est. Non retinere etenim
 sed mereri Dignitatum Insignia, vos consuevistis. Clarum istius enitet documentum in
 ILLUSTRISSIMO quondam & REVERENDISSIMO DOMINO THOMA VIETSKI, E-
 PISCOPO Chjoroviensi, ABBATE Plocensi, PRÆPOSITO & CANONICO Varmiensi, FRA-
 TRE TVO patrueli dilectissimo. Vir hic juxta con. DEL, Athanas in Parnasso JAGEL-
 NONICO in se transfudit, & totas animo suo complexus, ubiq; Os aureum Diva Them-
 idis, & Magnorum PRINCIPVM Oraculum quoddam dici meruerat. Nempe ob suam co-
 mitatem, morum gravitatem, miram in rebus difficillimis gerendis dexteritatem, eti-
 am Coronatis Caputibus, SERENISSIMIS JOANNI CASIMIRO, MICHAELI I.
 JOANNI III. POLONIARUM REGIBUS, ad mentem fuerat. Quidni esse debue-
 rat? qui sub tempus fatalis Regno Sarmatico procellæ, metuenda rebellionis Cosatica
 sub Theodoro Chmielnicki, Phæbò Illo Polono extincto VLADISLAO III. POLONI-
 ARUM REGE, in componendis illis sat difficillimis motibus, magnam sui prudentiam
 exhi-

exhibuit. Majorem adhuc tunc monstravit, cum ad exemplum D. MICHAELIS GIE-
DROYC deposita de emerita sua fronte Prasulea Tiara, & Senatorio murice, ex
Societate fallentis mundi, in Societatem JESU transiens, Sancta IGNATII Militia
nomen suum inscripsit. Hac Appia virtutum & singularis modestia processit PER-
ILLUSTRIS & REVERENDISSIMVS DOMINVS STANISLAUS VIETSKI, Decanus
& Canonicus Varmiensis, &c. FRATER Tuus Germanus charissimus, pietatis memo-
randum exemplar. Eruditum Prælati hujus Dignissimi Caput, ipsius Palladis dulce
triclinium, petebant Prasulea Insula, in manus ejus Aquila Regni involare anhelabant,
& quævis Honorum maximorum Insignia ultro ejus piam mentem ambiebant, sed am-
bire non potuerunt; quia nullus Dignitatum in Eo ambitus, omnis modestia invenieba-
tur. Quid de Te tenuis, in venerationem tamen Tuam composita penna mea exarabit?
ILLUSTRIS ac MAGNIFICE DOMINE. GENTILITIVS Tuus Pactolus Magno RU-
PNIOVSCIORUM, MALICCIORUM, SZEMBECCIORUM, KOTKOVSCI-
ORUM, KOSOVSCIORUM, WITKOVSCIORUM, CHRZASTOVSCIO-
RUM, ZIELENSCIORUM, WĘGIERSCIORUM, aliarumq; cognatarum FAMI-
LIARū Sanguine auctus, quod aureas Patriæ non tam arenas, quam horas vekat, & maxi-
mam victricium palmarum ubertatem, in Sarmaticis campis quos inundat germinet;
maxima quoq; Honorum in Republica ornamenta & coronamenta meruit. Insignis
& Phæbea luce clarior NOBILISSIMÆ PROSAPIÆ TUÆ accessit splendor ex ILLU-
STRIBVS GAWRONSCIS, WASOVIIS, ZBOROVSCIS. Magna hac Le-
chici Poli sidera, cum in Domo Tua Inclita, per connubialia fœdera conjunctionem ini-
ere; virtutibus & meritis suis Orbi Polono notis, meridiem Tibi & FAMILIÆ TUÆ
ILLUSTRISSIMÆ accendere. Tu verò ILLUSTRIS & MAGNIFICE DO-
MINE aurum auro, & lucem luci addidisti, cum Magnis Domus Tue decoribus, Cedro
immortali digna opera adjunxisti. Hæc, simul & Tua virtus in Toga & Sago pro-
bata, in tot arduis pro Patria in Gradivi arenâ susceptis laboribus experta, insignes me-
ruerunt Dignitates; Tu nihilominus modestissimæ mentis Idæa eas acceptare recusasti, recte-
factorum Tuorum Remuneratorem DEVM solum exoptando. His Hercules passibus
in Olympijs virtutum incedunt Castor & Pollux, gemina Nobilissima Domus Tue Astra,
STANISLAUS & CHRISTOPHORUS Filii Tui, quorum egregia merita Pa-
tria magni æstimat, semperq; æstimabit. Sed cum generis Aviti & virtutum Tuarum
amplitudinem angusta hac pagina capere nequit: inops verborum Eloquentia intra
magna Domus Tue lares, Gratissimū non nisi Hospitem, ATLANTEM Sarmaticum, Prin-
cipem inferi GIEDROTCEVM. Ab obarrato pectore meo suscipe hoc sub-
missa venerationis Xenium; eo affectu, quo me semper prosequeris. ATLAS hic
Polonus, etiam antiquissimam Domum TRAM robustus in annos æviter nos sustentet la-
certain: Teq; felicissimum, & diu incolumem mihi conservet. Ita & nunc precor &
semper vovebo

Illustris & Magnificæ Dominationis Vestræ

Amantissimus NEPOS,




Devotissimus Client

NICOLAUS FRANCISCUS de Biberztyn

BŁONSKI,

In Alma Universitate Cracoviensi Cursus Philosophici
Auditor.



ORATIO.



Erreâ hâc iniquiorum temporum vicissitudine, dum in nostrum Polono Sarmaticum Orbem curiosam verto pupillâ; eû ingenti concatenatorum malorû pressum mole, & sub tantis ponderibus Sisyphi saxo gravioribus fractum, fatiscentemq; adverto. A. A. In ea deploranda miseri Lechiadæ incidimus tempora, quibus si mala quæ nos premunt, cum antiquorum sæculorum infortunijs compararemus, prisca tempora, gentesq; duris laceratas bellis vel solis calamitatibus superare videremur. Obsidebatur arte Pelasgâ Ilium, sed per decennium tantum. Nos afflicti Sarmatæ pluribus annis, à tot gentium immani & metuenda colluvie stringimur, & earum ferocibus armis perstringimur, post tot tamen sonoras ingentium malorum procellas, & stridentes noxij belli Aquilones, nondum optata habere possumus alcyonia. Sinonio dolô Troja cum superba Priami arce voraci cessit in prædam vulcano. Gementis Sarmatiæ nostræ Urbes Oppida, Arces, propugnacula, sortes deniq; nostras, ferox immitis Gradivi absumpsit incendium, vestigiaq; tantum solis in favillis reliquit. Misera Carthago armato gentis Quirinæ diu cincta exercitu, cum multâ obsidione ad eam deducta fuerit inopiam ut & ad trahendas naves funes deessent, & plumbum ex bellicis,

licis adversus hostes explodendum machinis deside-
raretur; Carthaginenses Amazonas ut funibus, sup-
peditarent materiam, proprii capitis abscindere co-
mam, & ad globos conficiendos, aurea jam de ma-
nibus, iam de auribus detrahere monilia, ultroq; su-
is offerre Ducibus nō dedignatæ erāt. Nos ut ferrea
tempora in aurea transmutaremus, etiam aurum ho-
stibus offerre non renuimus, nec optato votorum
nostrorum eventu gaudere potuimus. Gentium ter-
rarumq; caput Roma, etsi multas nationes adversus
se consurgentes, & plurimos rebelles Catilinas Cethe-
gosq; toties numeravet, cadere tamen nequaquam
potuerat, quia fortissimos Hercules suæ integritatis
molem bajulantes in animosis Camillis, Manlijs, Af-
fricanis, Marijs nacta erat. Noster Sarmaticus Or-
bis, etsi multos suos Scipiones habeat, irriguis tamen
lacrymarum imbribus infelicem suam sortem nun-
quam satis deplorare valet, quod infauſto diu protra-
cti belli turbine agitat, plusquam decumanis malis
fractus, ad deformem vergens ruinam, in hoc suo
declivio non ab omnibus fulciatur. In Generalibus
Regni Comitijs, ab Augusto Lechici Senatūs Arco-
pago, cadenti Orbi Nostro Polono, adamantinas
sani Consilij bases sollicitis expectabamus desiderijs,
sed has pro dolor? infelix discordium animorum
turbo, imò pacis quæsitæ turbator sustulit, & tanto
multarum ærumnarum gravatum pondere Orbem
Polonum labefactavit. Quis tandem sic labenti suc-
curret? quis cadentem proprijs eriget lacertis? &
ab imminente ultimo casu immunem securumque
reddet? in Te nostrorum spes certa votorum, pre-
tiosa Lithvaniæ Ducum Gemma, Rosæ olim Prin-
ceps, nunc ad Thronum Agni immaculari Magne
Senator, Augusta Divi Augustini Propago D. MI-
CHÆL GIEDROYCI. Hic certè Divinis pe-
ne Angelicæ vitæ virtutibus fortissimus, & Magis
meritis

meritis coram Alto Numine potentissimus est. Unde in Illo hodie ATLANTEM ad sustentandum fractum Orbem Polonum Aptissimum umbratilis eloquij mei suada demonstrabit. Magne Sarmatice ATLAS me imbrecillem Tuis laudibus intentum ne ingenti Tuorum meritorum gravatus pondere corruam: potenti Tuâ gratiâ sustenta. Quidquid de Te dicam magnificum erit quia Tuum. Quàm ingens sit & robustus ATLAS MICHAEL, & quàm grandis virtutum Ejus Ilias, si contemplari ornatissime Auditor desideras, oculos benevolæ & attentæ mentis ad incultæ suadæ meæ umbratilem imaginem verte.

Si ex angusto pollice grandem gigantem: si ex tenui linea magnum Apellis ingenium metiri licet, etiam quanta ATLANTIS GIEDROYCHII fractum Polonum Orbem sustentantis, vel in ipsis infatilibus cunis, & tenellis adhuc artubus appareat magnitudo: colligamus AA. Immensæ prodigium illud molis, sub nullo unquam onere fatiscentem Atlan-tem, ex ipsis Deorum cunabulis suam primævam traxisse originem, ingeniosa suis commentis narrat antiquitas. Poloni Gestatorem Poli GIEDROYCHUM verius ex Divûm genere, quia præcellis Natalibus prodire, quis non novit? Ducalem GIEDROYCIORUM Domum, non tantùm Lithvanum Orbem sed & vicinas exoticorum Regnorum famâ suâ adimplentem oras, propter immensum Prædecessorum numerum, Generis Antiquissimi claritatem gestorum Auro cedroq; dignorum multitudinem Pantheon quoddam augustum, & venerandum Deorum senaculum appellare fas esto. Non in tot vastû Amalthææ cornu delicata Floræ & Pomonæ munerâ, niveæ Nympharum manus congestere, quot rutilantes Principum Mitras, Regales Purpuras, Ducales Clavas, Sacras Tiaras, cæteraq; insignium ho-

norum decora, in unam GIEDROYCIORUM propitij superi congregavere Profapiam. Quot in fastis immortalibus viri ex hac ILLUSTRISSIMA FAMILIA à ventura posteritate legentur, tot Magni Joves, facundi Mercurij, invicti Alcidae, dicam brevius tot non fatiscentes sub pondere etiam maximo ATLANTES numerabuntur. Centum ora centumque lingvas poscit decorum Purpurei Roseti GIEDROYCIANI Centifolium, late suavissimum virtutum & meritorum spargens odorem. Pretiosa & speciosa GIEDROYCIORVM ROSA præstantiâ suâ ex vulnere Veneris natas infra se ponit, quæ toties infensis immanium hostium scarabæis mortem, dilectæ Patriæ optatam donavit salutem; verque excedentium gaudiorum haud semel eidem aperuit. Lithavus Orbis nascentem hunc salutavit ATLANTEM. Non sola quippe Mauritania fortissimos novit mundo adferre ATLANTES; nec solus Trojanus equus armatas suâ complectitur alvo legiones, etiam Lithavus tonipes ad præfixam immortalis gloriæ Pegaseo cursu provolas metam, quod bellaces Heroum animas Gradivo & Bellonæ sacras ferendis grandibus orbibus pares enutriat, vel in uno ATLANTE GIEDROYCIO videndum & mirandum. Ex magnis errore solo splendidis gentilium fide obsecratis prodire in orbem voluit natalibus GIEDROYCIUS, ut quidquid exiguum, tenue & cælum tangere non valens in gente sua antea videret, id magnitudine virtutum suarum & meritorum ATLAS hic ad stellati sedes Olympi usque erigeret, extolleret. PRINCEPS GIEDROYICIUS, dum ad salutare sacri lavacri undas communi originalis noxæ mundaretur labe, ut se fortem futurum ATLANTEM exhiberet, cælestium PRINCIPIS legionum, cæci Debellatoris orci MICHAELIS nomine insignitur. Nec vano augurio: quidnamque MICHAEL? si non fortitudo. Videte in tenebris

lis nati ATLANTIS artibus Heroicam virtutem
& mentem impertritam: qui antiquos malæ fidei da-
mnaturus errores, profligaturus monstra vel ipso suo
nomine clamat: QVIS UT DEUS. Ruere jam Li-
thavus videbatur Orbis, dum muta saxa, invisos co-
lubros, frondosa nemora, & alia vilium creaturarū
nomina tanquam vera numina, vanā superstitione
colebat en propitij superi cadenti Lithvaniæ post il-
lum zelosum fidei Christianæ Propagatorem JAGEL-
LONEM, novum ATLANTEM qui suo vertice side-
ra tangeret, & Patrium bajularet Orbem in MICHA-
ELE GIEDROYCIO liberali suâ providentiâ procura-
vere. Crevit non segni passu GIEDROYCIUS, &
ut in ATLANTEM validissimum Patrio sustentan-
do Orbi accommodum excrefceret, augebatur insi-
gni profectu in immensum probitatis. In primo flo-
ridæ ætatis vere circa tenerum MICHAELIS caput, lu-
cidiùs quàm circa Servij Tullij tempora radiantes vir-
tutum emicuere flammæ. Quid enim candidum il-
lius tersissimæ mentis ebur, gemmea sine fæco indo-
les, mores ad regulam recti optimè efformati, quos
cuncti attoniti stupebant; quid inquam aliud com-
monstrabant in Eo? nisi aureos gratiarum splendo-
res & virtutis Divinæ robur, ut inde constaret MI-
CHAELEM infractum aliquando fore ATLANTEM.
Inter hæc manifesta futuræ magnitudinis specimina
non Nemesis quam suâ culpa in iram non provoca-
verat, sed arcanum summi Tonantis arbitrium in ex-
cellsam molem excrefcentem ATLANTEM GIE-
DROYCIUM Omnipotentè Dextrâ suâ humi-
liare decrevit, ut altius eveheret. Roseus ore MI-
CHAELE, nectareo sermone nulli non affabilis,
omnes ubiq; gratias spirans illius nutu, qui lege
suâ movet sidera & tellurem medio vibrat in axe,
malignante vi morbi crudelissimi ita usu pedum pri-
vatur, ut absque sustentante pedo incidere nequeat.

Maluit tamen MICHAEL ad extrema usq; vitæ suæ tempora ægro claudicare pede, quam virtute. Nec mirum quòd fulminantes adversitatis adeò GEDROYCIUM arietent impetus; cum (si mithiologis credere fas est) piniferum quoq; Atlantis caput nubibus atris assidue cingitur ventoq; pulsatur & imbre. Ægris claudicans pedibus quam rectè incedat & molesto non recedentis infirmitatis onere pressus, quam non inflectatur ATLAS hic, in stuporem rapti advertite. Ferventissimo Divini Amoris Entheo percitus GIEDROYCIUS totus flamma in superos Seraphicis ignibus candens, vel Vesuvius alter evanida mundi blandientis aspernatur lenocinia; altissimorum fasces honorum (quibus regendis Lucina Eum destinaverat) plusquam Heroicâ mente contemnit, dulces formidolosarum syrenum cantus non audit, Ducalem de Illustrissima fronte sua deponit Mitram, Purpureum ostrum exuit, ex amplissimis Domûs suæ conclavibus ad angustias Claustrî Religiosi properat. Sed quid agis Rosæ PRINCEPS MICHAEL? itane GENTILITIUM Tuum FLOREM jam soli publico aufers? itane eum in Augustinianam Eremum transportas? dulci purpureæ Tuæ ROSÆ nitore mundus delectari desiderat, Celsissima DOMûs Tua fragrantissimos melioris spei à Te expectat odores. Ita est: transplantat GIEDROYCIUS GENTILITIUM suum FLOREM in speciosum Magni Magni AUGUSTINI viretum. Ne Syrio mundi voluptatum adustus calore, Purpureum aliquando exuat colorem, innocuo BB. MARTYRUM tingere eum exoptat cruore. Ne marcescat, salutaribus CANONICORUM de Pœnitentia eum lacrymarum undis irrigat. Ne astuta infernalis vertumni carpatur manu, Ipsi Cælorum REGINÆ, quæ Florem nobis Nazarenum peperit S. MARIÆ Demetri tradit custodiendum. Sanè mendacibus mundi fallentis pollicitis frangi non poterat MICHAEL quia ATLAS fortissimus.

simus erat. Hic ut in altissimū pietatis montem excre-
skeret nova metamorphosi, & Cælos excelso sanctita-
tis suæ cacumine tangeret in sacra AUGUSTINI E-
remum cedit. Et certè non alibi reponi debuerat nisi
inter proceras arbores vertice suo stellatas Cæli au-
rei tangentes sedes, Te intelligo sanctitate & sapien-
tiā ubiq; eminentissime Sacer CANONICORUM REGU-
LARIUM BB. MARTYRUM de Pœnitentia Ordo. In-
accessibilem se cunctis mundi, carnisq; illecebris præ-
bere voluit ATLAS hic, ideo inter aquarum copi-
am de fontibus oculorum pœnitentium defluentem
consedit. Quodsi ingeniosorum vatum eruditis vo-
luerimus adhærere commentis, in illorum pene Di-
vinis Enthusiasmis reperiemus ATLANTEM hominem
Lybicum fuisse, qui ut facilius continuò sese gyran-
tium cursus Cælorum assiduosq; micantium Astrorū
motus specularetur: montis illius occupare verticem
consueverat, qui fatis mundo erepro ATLANTE illius
perpetuo insigniri nomine promeruit. Sed abscedant
hæc antiqua fabulantū Poëtarum somnia, verior quia
Divinior noster ATLAS, ut exquisitiore supremi Numi-
nis Cælestiumq; rerū cognitionem haberet, laurigerum
Cracij Academi petijt Heliconem. Quantis tunc Ja-
gelloneus Apollo exuberabat tripudijs? dum Lithav-
um Equitem Olympia sui honoris in erudita Craciæ
Palladis arena instituentem advertit. Hactenus obli-
gatus erat pro eruditionis fonte Craciæ Minervæ Po-
lono Lithuanus Orbis; sed ab hinc obæratuſ erit Li-
thavo Orbi Noster Academicus, ex quo & pientissi-
mum suum Fundatorem JAGELLONEM, & validis-
simum in MICHAËLE GIEDROYCIO recepit ATLAN-
TEM. Multum debes annosa Scientiarum Mater Pal-
las Cracia pro Regalibus Sceptis Regiā munificen-
tia Tibi datis TUO JAGELLONI; sed nec minus
GIEDROYCIO, qui nectarco TUO jam Philoso-
phicarum, jam Theosophicarum Scientiarum enutritus

— Iacte Te Fontem sapientiæ Ducali suo Diademate coronavit: & pro Laureis eruditis victrices Domus suæ Laurus apud Te reliquit. ATLAS hic sapientissim⁹ Cælestium semper speculator rerum novit in alta Empyrei sede pluri esse Laurum Doctorem, quam auro & adamante corruscantia diademata, Coronas & Sceptrā. Ideoq; Laurum Doctorem Domesticæ prætulit Mitræ. Inclinate ergo capita vestra certantes in acie literaria Theopompi sub virides Apollinis Cracij laurus, sub quas etiam PRINCIPES GIEDROYCII deposito diademate sua tempora submisere. Et hic viridi ornatum corymbo GIEDROYCIUM orbis ATLANTEM cum video, stupendam illius vitæ innocentiam, incredibilem mansuetudinem aliq; Religiosæ perfectionis decora, cum altiori mentis indagine perpendo, quid aliud quam Atlantica opera esse deprehendo. Excellenti vitæ sanctioris probitate, & summâ clarus doctrinâ MICHAEL, cum ad magnitudinem ipsius excreverit ATLANTIS, ob profundam humilitatem tenuem se athomum dicere vix existimat. Eximijs omnium fermè literarum excultus artibus, ob humilem de se sensum Divinis admoventi Altaribus, sacerq; mysta fieri recusat, Ipse gratissima redolens virtutum thymiamate ara, & Divinis acceptissimum oculis Sacrificium. Hoc stupendum quod virtutibus magnis eminentissimus ATLAS, jam ad viliora opera, jam ad plantas minimorum quoq; Fratrum inflectatur. Cælestium assiduæ contemplationi rerum, acerbæq; Dominicæ Passionis recollectioni die nocteq; intentus, ne in opere hoc Divino à rebelli aliquando impediretur carne innocuum corpus nullaq; mortali maculatum labe asperis cilicijs, sanguinolentis flagellis perpetuâ ab esu carniū abstinentiâ aliq; aspero mortificationis genere domat. Si visitasses A. GIEDROYCIUM vidisses supellectilem cruetata flagella, & aculeatas catenas, certissimam contra rebellem carnem amatu-

armaturam. PRINCIPIS hujus lectum ipsam durissimam terram,
palatium angustam cellulam ex qua tamen Cælum ATLAS hinc
tangebatur. Nempe sicut Colossi & in puteo quoque magnitudinem
suam retinent, ita virtute potentes Atlantes etiam in angustiis angu-
stam suam Majestatem non amittunt. Fortitudinem imperterritam
ATLANTIS hujus videre desideramus? aheneum pectus in eo nul-
lis ingruentibus cedens periculis annotabimus. Ad Dolorosam Ima-
ginem CHRISTI pro salute nostra in pretiosa Crucis arbore ap-
pensi, & in hac sacra Æde multis indeficientibus gratijs clarissimam
dum Divino plenus amore GIEDROYCIVS jaculatorias effundit
preces, en stygia cæci Erebi monstra, infernales vertumni ut ATLAN-
tis istius experirentur robur, jam diris eum persequi clamoribus, jam
duris afficere verberibus, sed inani semper tentant conatu. MICHAEL
namque fortissimus Erebi Triumphator immanes illos spiritus pijs
sacrarum orationum precibus semper vicit, prostravit, fugavit, A-
TLANTEMque se imperterritum demonstravit. Quidni se talem
exhiberet? cum eum luctantem cum illo luctuoso Averni exercitu Re-
gnans à ligno DEVS, non tantum omnipotente dexterâ suâ juvit,
sed ne in illo prælio aliquando deficeret, dulcioribus Hymetto vel
Atticâ Hyblâ verbis refecit: MICHAEL esto patiens usque ad mortem,
& recipies coronam vitæ. O verba melliflua! o consolationem
nectare vel ambrosiâ suaviorem! quâ ATLAS GIEDROYCIVS
post peractum Heroicum certamen ineffabilem in animo dulcedi-
nem, in corpore novum robur assumebat. Assurgentibus tenebrosi
Orci, exundantiumque infortuniorum procellis nec allidi, nec flecti,
nec moveri potuit: tot sortitus fortissimos Alcidas pro eo etiam
Cælum bajulare paratos, quot nactus fidissimos vitæ suæ Angelicæ co-
mites CANTIOS, LIPNICIOS, BONERIOS, CASIMIRITA-
NOS, SVENTOSLAOS; à quibus in admiranda vitæ suæ sancti-
tate progressum, in mæroribus certum capiebat solatium. Narraret
vetusta antiquitas Atlantem tantum cum Themide Parnassia habuisse
amorem ut ei de vêtura sorte certa oracula daret. ATLAS GIEDRO-
YCIVS aureus Apollinis Tripod cum voracis Vulcani immitibus
flammis Ædes has sacras Urbemque, Craci post sua fata devastataturi
rabiem, & duorum infantum statum quærentibus sollicitè parenti-
bus prædiceret, quid aliud, si non Cyrrhæa secreta novisse videba-
tur. Virtutum tandem præcellarum magnorumque meritorum cu-
mulatus incremento, miraculorum gloriâ Vrbi Craciæ totique Sarma-
tico Orbi notissimus ATLAS GIEDROYCIVS, cum in altum san-


Et ita abierit montem, radiantibus caput intulit Astris; ut post
ingentia rerum discrimina perennem gloriae triumphum ordiretur.
Caelum properavit in altum, quia Heroicis Illius meritis dignam
terra coronam dare non valuit. Vitam non finivit sed mutavit
eumque animam beatam supernis Empyrei donaverit sedibus terram
ut seipso orbatam, mæroreque squalentem solaretur, pretiosa illi sacri
sui Corporis reliquit cymelia. Nempe ad sacros GIEDROYCH
cineres, cæci visum, malignantium morborum vi fracti certam sa-
nitatem, tristes solatium, denique mortui optatam vitam recipiunt.

Tua est decus æviternum famæ Sacra Divi **AVGVSTINI**
Religio. Tibi Tuoque Sacro Instituto debet **GIEDROYCIVS**,
quod in excelsum admirandæ Sanctitatis & non fucatæ sapientiæ
abierit montem, caelos jam ipsos incolentem. Tibi debet Polono-
Lithvanus Orbis quod Ei ruenti paratos in subsidium fortissimi hujus
ATLANTIS adaptasti lacertos. Est quod Tibi disertissimi **Hype-**
rides, doctæ oris sui suavitate & rotundis periodis hodie gratulen-
tur: quod ad Tuam Crucem sanguine Divino rubentem, Cordi
Tuo Seraphicis ignibus ardenti infixam, quam in Devoto pecto-
re Tuo in omnium oculis gestas, etiam magni Principes Ducales
suas Mitras substernant deponantve. Sub victorioso Crucis Divinæ
figno decertas **Canonice Ordo** omnes adversatis fortunæ cuneos vin-
ce & cor amore **DEI**, amore proximi plenum portans, sis amantissimo
cordi tam superum; quam cunctorum mortalium semper & ubique
præsentissimus. Tibi verò ultimo cum voto vectigalis quoque mea
occurrit Oratio **Divinissime MICHAEL GIEDROYCI. ATLAS**
es fortissimus, ergo Christianum Orbem ruentem alto a culmine:
Tuumque Patrium afflictæ **Lechia** Regnum, discordiâ & insolenti-
bus cruenti **Gradivi** armis labefactatum, ultimæque propè vicinum
ruinæ potenti gratiosæ protectionis Tuæ lacerto fulcias reddasque a
metu & ulteriori bellorum motu securum. Annosæ scientiarum &
Sanctitatis Parenti, **Iagellonica Minervæ**; **Craciæque** huic Urbis
Undecimum Sæculum agenti, ne senio graves fatiscant vali-
dissimos suppose humeros; ut ab omnibus Fortissimus
Fracti **Poloni Orbis ATLAS** habearis, Qualem ego
Te esse Dixi.

PERMISSV MAGNIFICI DOMINI
R E C T O R I S.

u
e.
M
o-
m
o
es
er
ne
a-
ut
o
c-
y-
ti-
e-
.
.
.
.
.





22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

